



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format


Adapt — remix, transform, and build upon the material

LEN

✓ 1166



1999



Տ Ե Ղ Ե Կ Ա Գ Ի Ր

ԱՂԷՏԱԼԻ ԱՆՅԻՅ ԵՒ ԱՆԿԱՐԳՈՒԹԵԱՆՑ
ՏԱՆՆ ԱՂՐԱՄԱՐԱՑ

ԳՐԵԱԼ ՅՈՎՍԷՓ ՎԱՐԴԱՊԵՏԻ ՎԱՆՍՈՂՈՐ
ՆԱՐԵԿԱՅ ՎԱՆԻՑ



ՅԱՌԱՋԱԲԱՆ

Յամի 1866 Նարեկայ Վանից Վանահայր Յովսէփի վարդապետ կուղղէ զայս « Տեղեկագիր արեփալի անցից է - անկարգութեանց Տանն Աղթամարայ » առ Վեհափառ Հայրապետն ամենայն Հայոց 'ի Սուրբ Էջմիածին :

Սոյն Տեղեկագիրը Աղգային եկեղեցական պատմութեան վրայ ամենէն ոսկալի յաւելուած մ'է, մանաւանդ անոր համար յոյժ դատապարտելի, որ ապագայի մէջ նմանօրինակ եղեռնագործութեանց հրահանգ եւ պատճառ պիտի ըլլայ եթէ պէտք եղած անաչառ դատաստան չ'լինի, եւ այս հետեւանաց պատասխանատուութիւն անոնց վրայ պիտի ծանրաբեռնի, որք Աղթամարայ Աթոռղիկոսական խնդրոյ լուծման մասնակցութիւն ունին :

Մենք թէ մեր խիղճ հանդարտեցնելու եւ թէ յիշեալ պաշտօնէից անդիտաբար վճիռներէ զգուշացնելու եւ խնդիրը կարելի եղածին չափ պարզաբանելու պարտաւորութեամբ կը հրատարակեմք զայս :

Երբէք քննադատական ատեան մը չը կրնար խնդրոյ մը բնական վիճակ դանել եթէ իրաց հանգամանները բազմակողմանի հայեցողութեամբ չը զննէ, եթէ ազդեցութեանց առաջ չընդդիմադրէ, եթէ պաղարիւնութեամբ եւ անկողմնակալութեամբ չ'վարուի, մանաւանդ թէ դատաստանի ենթարկելոյն կարեկցութիւն շարժող վիճակի նկատմամբ անգութ չ'լինի : Քանզի դատաւորի անդթութիւն վրէժխնդիր արդարութիւն կը համարուի :

Որչափ³ պատմական քննադատութեամբ ականատես պատմաբան Յովսէփ վարդապետի տեղեկագիրը ճշմարտապատում թուի մեզ տակաւին չենք վճռեր խաչատուր Աւետիսեանի յանցաւոր վնիլ, կրնայ եւ արդար ըլլալ, բայց ըստ մեր գիտութեան արդէն նա մեր Եկեղեցոյ նոյն իսկ անսահման ներողաճրտութեան, կարգաց եւ կանոնաց առաջ դատապարտեալ է, եւ ասոր համար քննութիւն աւելորդ էր իսկ վերաքննութիւն բոլորովին յիմար, օրինակի համար խաչատուր իւր նախորդի կենդանութեան կաթողիկոսանալուն վկայութիւն կամ քննութիւն պէտք է, ուր թողումք որ իր նախորդի անմիջապէս սպաննուիլ իւր Աթոռիկոսանալուն պտուղն է:

Եթէ խաչատուր Աւետիսեան ներկայ վիճակը մեր անիրաւ ներողամտութիւն տղայական եւ կանացի արգահատութիւն կրնայ շարժել, որչափ պէտք էր զգացուէինք եթէ տեսնայինք մեր Եկեղեցոյ ծերունի Հայրապետ մը ծովի ափի վրայ նախատակոծ փռուած, երբ մեկ կողմէն խաչատուր Քրտաց ջուրներու հետ եւ ընդ հովանեաւ նոցա եկեղեցոյ մէջ Աթոռիկոս կը ձեռնադրուի, իսկ միւս կողմէն իւր կենդանի Հայրը՝ Պետրոս Աթոռիկոս ախօռի մէջ վերջին անարգութեամբ արիւնաթաթաւ կըլլայ. հօր արիւնով որդին կօծանի:

Արդարեւ մարդ մը չ'կրնար այնքան զգացողութիւն ունենալ անցքի մը նկատմամբ սոսկ լսելով որչափ նոյն անցքի տեղեաց եւ մարդոց ծանօթ եւ դայնս տեսած ըլլայ:


Աղթամարայ խնդրոյ Բարեխիղճ տեղեկաբեր Յանձնաժողովն աւելի ճշմարիտ եւ զգացողութեամբ պիտի տեղեկագրէր եթէ իրենցմէ մինն այն աղետալի անցից ականատես վնէր, ինչպէս սոյն տեղեկաբեր Յովսէփ վարդապետ:

Խաչատուր Աւետիսեանի երկարամեայ տարագրութեան վիճակ դումանս ՚ի պարզամտաց յիճարացոցմծ եւ պաշարած է այլ չենք յուսար որ այտ յիմարութիւն եւ պաշարում Երեսփոխանական ժողովոյ վրան ալ կրնայ աղղել:

Մենք ամէն հետեւանք եւ պատասխանատուութիւն դառ

տաքննչաց թողլով միայն սա չափ կ'ազդարարենք՝ որ սաստիկ
ներող սիրտած գիտած բարեխիղճ եւ պարզամտ ըլլալին առաջ ար-
դարադատ եւ անաչառ ըլլալու է :

Իսկ թէ ինչէ խաչատուրի ներկայ դրութիւնս եւ նորա յի-
մարեցուցիչ եւ պաշարող միջոցներ դայնս եւս պիտի մեկ-
նենք այլ ոչ առ այժմ, որ Տէրէկա՛րէ խօսած անեն մեզ լուել
պէտք է :



Առ վեհափառ Տ. Տ. Գեորգ Սրբազան Կաթողիկոսն Ամենայն Հայոց Աթոռակալ Սրբոց Թաթևոսի և Բարդուղիմէոսի Առաքելոցն և Սրբոց Հօրն մերոց Գրիգորի Լուսաւորչին :

Ի Ս. Էջմիածին :

Քաջայայտ է որք զպատմութիւնս Հայոց իցեն ընթերցեալ թէ ո՞րպիսի ոք է որ զհիմունս Աղթամարայ հաստատեաց՝ Գաղիկն նենդաւոր և աղգակործան, և թէ զիա՛րդ Կաթողիկոսն Աղթամարայ ընդ նզովիւք փակեալ կայ չարաչար՝ ՚ի Ս. Հայրապետաց Ազգիս, որպէս բանք Ընդհանրականին ցուցանեն, Սակայն ցարդօծանի Կաթողիկոս նստի և վարէ զայն պաշտօն արդար և ՚ի նզովս ժողովրդեան, ՚ի խռովութիւն եկեղեցւոյ, ՚ի նախատինս հաւատոյ և Լուսաւորչեան Ս. Աթոռոյն : Այ՞ո՛, որչափ կայ այն Տուն, գողցես կայ նա Ազգիս ՚ի կործանումն :

Թողումք զհինան ՚ի հինան . մեք զոր տեսաք իսկ աչօք մերօք միանգամ, համառօտ այլ ճշմարիտ հանգամանօք փութասցուք աստ ՚ի մէջ ածել, առ որ հրաւէրս ձոյնից արձակեալ կոչեմ զազգս համօրէն հայել և լալ արտասուազին զմնացորդաց Հայոցս առ ի՞թ կորստեան . զխաւարիլն հոգւոցս . զաւերիլն տաճարացս, և զձեզ, ո՛վ Տէր Հոգւոր, որ զառաջնորդութիւն լուսատուին մերոց Սրբոյն Գրիգորի ՚ի ձեռինդ ունիս պարգևեալ յԱստուծոյ, զՁեզ աղաչեմ հնարս հնարել վասն Աղթամարայ

և կաթուղիկոսին և կաթողիկոսութեան նորուն , առաւել ևս վասն տառապեալ , խաւարեալ և անտիրունջ լքեալ ժողովրդականացն այնոցիկ կողմանց , որոց չէ՛ ոք լուսաւորիչ , բաց ՚ի Գրիգորէն , և չէ՛ այլ փրկիչ՝ բաց ՚ի ճշմարիտ փրկչէն Յիսուսէ , որպէս և Սմե՛նայն Հայոց ։

Սյս է մեր ականատես վկայութիւնն ։ — Ի 1835 թը ուսկանաւ ։ Յովհաննէս կաթուղիկոսն Աղթամարայ մեռաւ , դեղ մահու տուեալ նմա միաբան եպիսկոպոսք և վարդապետք տեղւոյն ։ Յաջորդ ամին Յովհաննու եղև կաթուղիկոս՝ խաչատուր Մակացի , որ աքսորեցաւ տընօրէնութեամբ Աղգին ՚ի Շապան Գարահիսար քաղաքն , զամս երիս մնալով անտէն , դարձաւ յԱղթամար ՚ի ձեռն ֆրդաց ։ Խան Մահմուտ անուանի բռնաւոր ֆուրդն պաշտպան և հովանի էր նմա , և այն ինչ ըմբռնեցաւ խան Մահմուտն , խաչատուրն ևս բարձաւ ՚ի կենաց՝ առեալ հարուած վայտատի յոտս իւր ՚ի ձեռաց Յովհաննէս վարդապետին , որ միաբան էր Աղթամարայ , և զամիսս երիս բեկեալ ոտիւք ծառայեալ ՚ի մահի՛նս ցաւոց , մեռաւ ՚ի նմին կղզւոջն ։

Յետ այսորիկ , որպէս ձեռն Օսմանեան Տէրութեան ձգեալ հասոյց ՚ի խորս ֆիւրտիսթանու զբարեկարգութիւն քաղաքականութեան , զոյգ եհաս և աջ Պատրիարքական իշխանութեան Աղգիս ՚ի Կ. Պօլսոյ ՚ի նսեմ վայրիս Հայաստանեայց ։ և լուսաւոր օրինօք և իրաւամբ ասաց կառավարել զամենեւեան իբրև արդարև միակ եկեղեցւոյ միակերպ որտիք ։

Յայնմ միջոցի կալաւ զԱթոռն Աղթամարայ Գաբրիէլ եպիսկոպոս վասպուրականի , անուամբ՝ և ոչ օծմամբ կարգեալ կաթուղիկոս ։ Ապա այն ինչ աչք ՚ի յաւիտենից

գողցես մթացեալք՝ ցանկային տեսանել զլոյս օրինաւո-
րութեան և բարեկարգութեան, աստ հասին չարիք ա-
ռաւել, և թանձրացաւ բարդեցաւ խաւարն իբրև 'ի
վերայ անդնդոց, քանզի 'ի նոյն ժամանակ Պետրոս Պիւլ-
պիւլն մականուանեալ օծաւ կաթուղիկոս Աղթամարայ,
'ի միոջէ և եթ եպիսկոպոսէ թորոս կոչեցելոյ, որ
'ի Մակարայեցւոց վանից. արհամարհեալ զկանոնս Ս. Ե-
կեղեցւոյն, և զհրամանս և զիրաւունս Աղգին, հաճու-
թիւն Աղթամարցւոց միայն կալեալ ինքեան՝ փոխանակ
ամենայնի. Բայց զիա՛րդ և իցէ Պետրոս այս տանէր ըստ բա-
ւականին զկառավարութիւն Աղթամարայ և ժողովրդեան.
չատ բարբարոսք գողային 'ի նմանէ, շատ ևս այն էր զի
հարուածս և դատաստանս կրէին 'ի ձեռաց նորին. առ-
նէր խնամս աղքատաց. շէն պահէր զտունն, և անփա-
ռասէր ոք էր և խոչորակեաց. սակայն 'ի բանս և յիրս
կարի ճարտար. ունել ունէր և պակասութիւնս, այո՛,
զոր ոչ կարեմք արդարացուցանել: Այլ զսա չկարացին
ընկճել՝ ոչ ձեռք և սպառնալիք ահարկու Բրդաց մե-
ծամեծաց, ոչ դեղ մահու՝ արբուցեալ նմա յՌստան,
զոր և թափեաց անդրէն, ոչ այնչափ վշտակրութիւնք և
աքսորանք և տուգանք և պէս պէս տանջանք, զորս
յառաջագոյն կրեալ էր. սակայն ընկճեցաւ և եթ 'ի հա-
րազատէն իւրմէ խաչատուրէ, որ ինքեան իսկ էր ձեռ-
նասուն, և զամենայն վերակացութիւն կառավարու-
թեան նմա հաւատացեալ:

Արժան համարիմ աստանօր զարտուղել 'ի կարգէ
պատմութեանս և սահաւ ինչ տեղեկութիւնս գրել վասն
խաչատուրիս այսմիկ, առ 'ի ճանաչել լաւապէս զնա,
քանզի մէր բանք որպէս և նիւթ դրութեանս յաղազս
խաչատուրիս են:

Սա յառաջագոյն 'ի մանկութեան իւրում եկեալ յԱղ-
թամար ծառայէր յոսո Պետրոս Պիւլպիւլին և ինքն իսկ
էր 'ի Գաւաշու (որ է հին Ռշտունի), 'ի գեղջէն Բողոնիս,
մօտ յԱղթամար . ապա 'ի դիպել տարագրիլ Պետրոս Պիւլ-
պիւլին յԱղթամարայ, խոյս տայ և խաչատուրն 'ի կտուց
Անապատն . ուստի և յետ աւուրց' երեք միաբանք աշ-
խարհականք կտուցայ՝ միականի Յովսէփ Պօլսեցի, Մա-
նուկ Մոկացի, և Մինաս Կորճեցի, առեալ ընտ իւր-
եանս զայս պատանին նորահաս մատաղ՝ զխաչատուրն,
դիմեն 'ի Ս. Էջմիածին, և վարդապետք Էջմիածնայ հան-
եալ 'ի ձեռաց կտուցուոց զխաչատուրն՝ պահեն առ ին-
քեանս, սիրելով և խնամ տանելով նմա իբրև որբոյ և
արժանագոռնի սիրոյ : Նազլուխան անուանեալ վարդա-
պետ ոմն Ս. Էջմիածնի, ահանաւոր 'ի ժամանակին, կա-
ցուցանի տեսուչ Ս. Հռիփսիմեանց վանից, և խաչատուրն
ծառայելոյ 'ի պէտս երթայ ընդ Նազլուխանին, յետ ժա-
մանակաց վախճանի Նազլուխանն և գումարք դրամոց
նորին մտանեն 'ի ծոց խաչատուրին : Նոյնպէս յաջողի
կրկին ծառայել խաչատուրիս Յովհաննէս եպիսկոպոսի
ումեմն, և 'ի մեռանել եպիսկոպոսին՝ մեծ մասն հարրս-
տութեանց նորին թագուցանէ խաչատուրն 'ի ծոց իւր :
Ասացելոցս վկայ դտանեն թերևս ցայսօր ի Ս. Էջմիածին
միաբանք այնմ ժամանակի որք կենդանի մնացեալ են և
քաջ տեղեակ ամենայնի այսոցիկ, որոցս յաղագս և քրն-
նութիւնք ոչ սակաւ բացեալ են :

Յանցանել աւուրց, անցանէ և խաչատուրն 'ի
Ս. Էջմիածնայ և դայ հանգչի բեռնաւորեալ ոսկովք
յԱղթամար, ձեռնադրի վարդապետ 'ի Մարգար յե-
պիսկոպոսէն Հիզանու, և յայնմ օրէ ոսկիք իւր առնեն

զինքն պատուաւոր և յառաջագէմ 'ի կարգի Միաբանա-
ցըն : Այլ մերն խաչատուր՝ որ գիտելով յափշտակել զոս-
կիս , գիտաց և զերծուցանել թագուցանել , և ուր ին-
քըն էր և անդ և զոսկիս բերել հասուցանել , գիտէր
նա և զայն աճեցուցանել . քանզի տուեալ մասն մասն
'ի վաճառականս վան քաղաքի , գնալով բազմա-
պատկեցաւ գումարն , և հարստացեալ , և առ քաղա-
քացիս և առ քաղաքականս այսու աղաղաւ յարարե-
րութիւն կցեալ ձեռն էարկ վարձակալութիւնս վարձել
(թաշիր , աղնամ , ևն) արքունի հարկաց դաւառացն և
գիւղորէից մերձակայիցն Աղթամարայ , և այսպէս թէ
գանձ երկրին և թէ սանձ առ հասարակ բնակչացն 'ի
ձեռին էառ խաչատուրն : Արդէն յինքն էր Աղթամարն .
Հայեցեալ 'ի յաջողութիւն բաղդին իւրոյ , սկսաւ ձեռ-
նարկել յայտնապէս յԱթոռ և յիշխանութիւն կաթողի-
կոսութեան Պետրոս Պիւլպիւլին , որում ցանկայրն 'ի վա-
ղուց , և թէպէտ ինքն իսկ էր վարող զայն իշխանութիւն
յաւուրս Պետրոս Պիւլպիւլին , բայց զիա՛րդ և իցէ կա-
թողիկոսական անունն և ձեռք Պետրոսին միշտ ակնա-
ծելի թուէր 'ի վերայ իւր :

Եւ եղև այսպէս . — Յաւուր միում խաչատուրն նրա-
տեալ ընդ Միւտիւրին և ընդ Ղատիին Գաւաշու , և
ընդ Տաւրիշ Պէյին՝ որ եղբայրն է անուանի բռնակալ
Քիւրդ խանմահմուտին , և ընդ այլ մեծամեծս Այլաղ-
գեաց հանդերձ բաղմաթիւ ժողովրդականօք և միա-
բանութեամբ վանիցն՝ յայգին Աղթամարայ , յեզերս 'ի
ցամաք ծովուն , և այգին կոչի Ախավանք , ուր շինեալ
կայ և ադարակ մշակութեան Աղթամարայ , և տուն՝ ուր
նստի կաթողիկոսն և կառավարէ զերկրագործու-

Թիւն վանիցն , և զթեմական ժողովուրդս . տեղի բաւա-
կան զուարճալի և ծառաւէտ : Անդ ընդ բազմեայն
բազմի և Պետրոս Պիւլպիւլն : Եւ ահա 'ի Նոր գեղջէ
Հայք երկու , Յարութիւն և Սիմոն դարբին , մատուցան
առաջի ատենին 'ի դատ յաղագս արտի միոյ , խաչատուր
Յարութիւնին տայր և Պետրոս Պիւլպիւլն՝ Սիմոնին
ղիրաւունս , և 'ի ջերմանալ յերկուստեքէ բանիցն և ձայ-
նիցն , դարձաւ խաչատուրն յայնմ հրապարակի ասաց
ց Պետրոս Պիւլպիւլն թէ՛ « դու զքոյր դարբին Սիմանին
սիրեսս , վասն այնորիկ և զարտն նմա հասուցանեսս » .

Յարիւն եռաց Պետրոս Պիւլպիւլն յամոթոյ և 'ի ցա-
ւոց սրտին՝ վասն բանիս այսորիկ , բայց և ոչ պակաս
ինքն եւս զխաչատուրն խայտառակեաց , անասելի չա-
րիս և մեղս յիշելով . զորս ասէր գործեալ նմա , և ապա
մեկնեալ յԱխաւանից՝ Տանէն Աղթամարայ՝ դնաց յՌատան
'ի վանս Չարահան Ս. Նշանին , ուր շիրիմ Ս. Եղիշէի
Թարգմանչին է՝ աւ Տէր Սարգիս քահանայն վանիցն ,
որ մտերիմն էր ինքեան , սփովիլ անդէն :

Իսկ խաչատուրն ժողովեալ զկառավարիչս երկրին
Տաճկաց երևելիս , ոգիս աւելի քան զքսան , որոց գլը-
խաւորքն են , Չէրքէզ Մէհմէտ՝ Միւտիւր գաւաշու ,
Մօլա Ավսամատ՝ Ղատի , Տաւրիշ Պէյ՝ եղբայր խան Մահ-
մուտին , և Օսման՝ որդի Գէլէշ աղային ևն . զսոսա առ-
եալ ընդ իւր տարաւ 'ի բուն հայրենիս իւր 'ի Բողոնիս
գիւղ 'ի տունն հօր իւրոյ , և զոր ինչ խորհեցանն՝ խոր-
հեցան , մեք զայս և եթ իմացաք , զի յետ երկից աւուրց
դարձաւ այն հանդէսն 'ի Բողոնիսոյ յԱխաւանքն Աղթա-
մարայ վերստին .

Զժողովիլն վերոյգրեւոց 'ի խորհուրդս , և զվերա-

դարձ նոցա լուեալ Պետրոս Պիւլպիւլին՝ փութացաւ
դարձաւ և ինքն յԱխաւանս : Ապա խաչատուրն զոմանո
'ի միաբանիցն Եպիսկոպոս և վարդապետ , որք համա-
խոհ էին ինքեան , հնարեաց առաքեաց 'ի թիմական
գաւառս , 'ի մէջ ժողովրդոց շրջել , իբր թէ զհասս
և զտուրս վանիցն հաւագել , այլ բուն միտք իւրեանց
այն էր զի զղուեցուսցեն զսիրտ ժողովրդականացն 'ի
վերայ Պետրոս Պիւլպիւլին , և հաճեցուսցեն զի խաչա-
տուրն օժցի կաթողիկոս :

Եւ ինքն իսկ խաչատուրն գրեալ գիր ամբաստանու-
թեան գանգատ 'ի վերայ Պետրոս Պիւլպիւլին առ իշ-
խանան վանայ և առ Առաջնորդն իգնատիոս Եպիսկո-
պոս , հնարս հայցէր թէ զի՞նչ պարտիմք առնել սմա ,
զի ապրեացի Աթոռն 'ի նախատանաց և յաւերմանէ ,
ապրեացին և ժողովուրդն 'ի դարչելեաց սորին : Որպէս
թուի՝ կանխաւ արդէն բանս եղեալ էին ընդ միմիեանս
խաչատուրն և վանեցի իշխանք դրամառուք խաչա-
տուրին՝ առ որս գրէրն , վասնորոյ աճապարեաց գրեաց
պատասխանի իգնատիոս Եպիսկոպոսն , առ խաչատուրն
առ Ղաղարն և առ Յակոբ Եպիսկոպոսունս , զոր և ես
աչօք իմովք ընթերցայ , միտք դրոյն էր այս ինչ .

. Զոր ինչ առնէք դուք , մեզ և իշխանաց
« մերոց հաճոյ են . բայց և զայս ասեմք յաղագս Պետրոս
« կաթողիկոսին , պատրաստեցէ՛ք նմա խուց մի 'ի կղզին ,
« և մութէ՛ք զնա անդ , ետեալ նմա արդելս մի՛ ելանել
« երբէք արտաքս 'ի խցէն , հաց և ջուր մատուցէ՛ք նմա ,
« անդ կացցէ և զլոյս մի՛ տեսցէ , մինչև լցցին ժամա-
« նակն ապաշխարութեան նորա : Եթէ խօնարհեցաւ
« ձեզ , և յանձն էառ զայս կանոն , բարւոք , ապա թէ

« ո՛չ՝ ազդ արասջիք մեզ , իշխանօք հանդերձ ունիմք
« զարժանաւոր խայտառակութիւն խայտառակել զնա , և
« զՁեզ՝ զսիրելիօղ մեր պսակել ըստ վաղեմի փափագա-
« նաց և խորհրդոց ձերոց . եթէ այլ կերպ յաջողութիւնք
« կան 'ի միտս Ձեր՝ 'ի դործ դնել մի՛ դանդաղիք , վաղ-
« վաղակի կաաարեցէ՛ք , և անհող կացէ՛ք , մեք Ձեզ
« պաշտպան եմք և արարոց Ձերոց հաւան ողջ
« լերուք » :

Չայս գիր ընկալեալ խաչատուրն և բանիցն 'ի վե-
րայ հասեալ , սկսաւ այնուհետեւ համարձակ և անվե-
հեր ձեռն 'ի դործ արկանել , առաքեաց կոչեաց զԹի-
զանցի Յակոբ Եպիսկոպոսն 'ի Հայոց ձորոյ՝ զգլխաւոր
դործիքն ամենայն եղեռնագործութեանց իւրոց , զոր և
ինքն էր արձակեալ 'ի նոյն դաւառն՝ վտան բանին զոր 'ի
վեր գրեցաք . երաց նմա զգիրն իգնատիոս Եպիսկոպո-
սըն , խորհեցան վաղվաղակի երթալ 'ի Կղզին և օժանել
զխաչատուրն կաթողիկոս . անդ էր և Ղազար Եպիսկո-
պոսն , զոր 'ի միասին առին տանել 'ի ներքս , պատրաս-
տուեցաւ նաւակն 'ի նաւահանգիստն : Յայտնի եղև Պետ-
րոսի Պիւլպիւլին բանքս , Վիութացաւ և նա իջոյց զան-
կողինն իւր 'ի ծովեզերն՝ մտանել և ինքն 'ի նաւակն , և
թէ հնար էր՝ յառաջել քան զնոսա , առ 'ի պաշտպանել
և չ'տալ յափշտակել զԱթու իւր 'ի կենդանութեան իւ-
րում : Իսկ սոցա ակնարկի արարեալ նաւավարին հե-
ռացուցանել ետուն զնաւակն 'ի տեղւոջէն յայլ տեղի ,
կիսով ժամով չափ հեռի , զնաց և ժամանեաց անդէն
և ծերունին Պետրոս Պիւլպիւլն , և աղաչեաց զնաւավա-
րըն , որում անունն էր Աբրահամ , տանել զինքն յառա-
ջագոյն 'ի նաւակն . այն ինչ Աբրահամ բարձեալ 'ի շա-

լակի զերրորդ՝ աստիճանն կոխէր սանդուխին հանելոյ
 զՊիւլպիւլն 'ի նաւակ, հասին 'ի վերայ երեք Եպիսկո-
 պոսունք սպասաւորօք իւրեանց բիր 'ի ձեռին, և աղա-
 ղակեալ անարդս բառբառով, և խիզանցի Եպիսկոպոսն
 Յակոբ՝ ձեռն ձգեալ քարշեցին յետս զՊիւլպիւլն, որ
 գլորեցաւ 'ի ջուրս ծովուն, ողջ անձն ջուր դարձաւ ծե-
 րունւոյն, և ջուրք աղի 'ի ցամաքեալ աչացն արտաս-
 ուէին, որ պաղատէր կողկողագին և ասէր. « մի՛ աստ,
 սիրելիք իմ, մի՛ աստ, այլ 'ի ներքո՞ 'ի դրան տաճարին
 « տարէ՛ք և սպանէ՛ք զիս, գէթ աչկունքս մի՛ մնասցեն
 « կարօտ Ս. Տաճարին, որում ծառայեալս եմ 'ի մանկու-
 « թենէ հետէ, և մարմին իմ հանգիտ դտցէ անդ 'ի
 « գերեզմանիս, զոր ձեռք իմ պատրաստեալ են անտէն,
 « անդ տարայք զիս, աղաչեմ զձեզ, գոնէ զհոգեւոր
 « թոշակն իմ առից, և ձեզ մի՛ համարեսցի Տէր 'ի մե-
 ղըս զարիւնն իմ»

Սյսպիսի բանից և 'ի սրտառուչ ցաւոց և թշուա-
 ւութեանց ողորմելոյն՝ չ'անկաւ գութ երբէք 'ի սիրտ
 անսրտիցն. չանսացին տառապելոյն, այլ նզովս և հայ-
 հոյանս տեղացեալ նմա՝ թքանէին, և քարշեալ 'ի ջրոյ 'ի
 վերայ աւազոց իբրև կիսամեռ. մինչ նա հեկեկայր, մը-
 տեալ ինքեանք 'ի նաւակն՝ անցնեն 'ի ներքս, և յայնմ գի-
 շերի օժեն զխաչատուրն 'ի կաթուղիկոս 1763 ամի յամ-
 սեան սեպտեմբեր. Ոչ ընտրութիւն 'ի միաբանիցն և ոչ
 հաճութիւն 'ի թեմականացն առեալ, ոչ հրաման յԱզգա-
 յին կեդրոնական վարչութենէն, և ոչ ոք ներկայ գտաւ
 'ի հանդիսին գոնէ :

Ի գիշերին յորում գլուխն խաչատուրին օժանէր իւ-
 ղով, և անձն նորին զարդարեալ ոսկեճամուկ զգեստիւք

կաթուղիկոսական փառաւորէր, դաւադան կալեալ 'ի
գահոյս բազմէր 'ի տաճարին, 'ի նմին պահու և գլուխ
Պետրոս Պիւլպիւլին յափուենս ծովակին արիւնս հոսէր,
անդ մնայր զգիշերն ողջոյն, մրմնջէր 'ի ցաւոց, և ալիք
ծովակին և ձայնք ջրային զեռնոց արձագանք նմա տա-
յին, այսպէս նահատակեալ ողորմելին մինչև ցայգ. ա-
պա միայնակ ելանէր 'ի գիւղն Փշավանք. և յախուի Նէ-
թոյեան Մանուկին երթեալ ընկողմանէր:

Ի նոյն միջոցի վանահայրն կտուց Սնապատի Պօղոս
վարդապետն եկն անցանել 'ի կողմանս կարճկանու յա-
ղագս պիտոյից ինչ նոյն Սնապատին, և տեսեալ զաղե-
տալի վիճակ Պետրոս Պիւլպիւլին և իրաղել լեալ թէ
Խաչատուրն ևս գնացեալ է 'ի ներգս օժանել կաթողի-
կոս, խորհեցաւ երթալ 'ի ներքս, և եթէ հնար է ար-
գելուլ զնոսա յայն ձախողակ իրէն: Բայց քանզի առ
հասարակ նաւակք Աղթամարայ 'ի կղզին տարեալ էին՝
զի մի ոք եկեալ խափան լիցի ինքեանց, վասն որոյ էանց
Պօղոս վարդապետն և գնաց զիւր ճանապարհն:

Չչատացեալ Խաչատուրին օժամաբ և եթ, ձեռն է-
արկ և կողոպտեաց զփակեալ սենեակ Պետրոս Պիւլպիւ-
լին, տարաւ 'ի խուց իւր զամենայն՝ մինչև զվեղար և
զփիլոնն: Իսկ զարկղ ոսկւոյն ետ տանել 'ի տաճարն և
պահեաց 'ի խորան միւռոնին՝ կնքեալ զբերանն: Բանք
բերանոյ Պետրոս Պիւլպիւլին են, թէ 366000 զրշ. դրամ
ունիմ ծրարեալ յարկեզս 'ի սենեկի իմում: Գիտէր Խա-
չատուրն թէ յետ օժանելոյն, բազում գանձք պիտին վա-
սըն քաւութեան անձին իւրոյ, գիտէր անշուշտ թէ և
յաղաքս արեան Պետրոսին՝ զոր հանդերձեալ էին հե-
ղուլ նոյնպէս պիտին շատ զոսմարք առ 'ի քաւելոյ


զայն , և ըստ իւրեանց կարգադրութեանց արդէն մեռեալ համարելով զՊետրոսն , յափշտակեցին զինչս նորին կենդանւոյն , և ոչ այսչափ միայն , այլ և քանի քանի դումարատէր անձանց վախճանելոց յառաջագոյն 'ի կրղղւոյն , ծրարք դրամոց յինքն կորզեալ ունէր՝ նախատեսութեամբ պահեալ այսպիսի աւուրց 'ի պէտս , և արդարեւ անթիւ հարստութիւնս դիզեալ էր : Թերևս այսմասն քանի մերում անհաւատալի և չափազանց կարծիցի քննաբանից , սակայն բացցին միանդամ զաչս իւրեանց 'ի հեռաւորս և 'ի մերձաւորս տեսանել թէ 'ի չորից ամաց հետէ ուստի՞ են այնչափ արծաթ և ոսկիք , զորս տեղայ և շարունակ տեղայ 'ի ծոցս ծոցաւորաց , մինչև բեկորք ոսկւոյ նորին հասին արդեօք և անցին անդր քան զկ. Պօլիս ճանապարհորդեալ 'ի դրանցն Աղթամարայ , 'ի վանայ , 'ի կարնոյ , և յայլ և այլ շաւիղս զորս ինքն ինքն գիտէ . և ուստի՞ ուտէ և յղփանայ օր քան զօր յաւելեալ զճենճերս փորոտեացն :

Եհաս քան առ Պետրոս Պիւլպիւլն թէ կողոպտեաց սենեակն և ամենայն ինչ իւր , որ արդէն մարմնով վիրաւորեալն էր 'ի վերայ աւազոց , և հոգւով 'ի վերայ օծման խաչատուրին , նորոգ վիրաւորեցաւ 'ի ցաւս անհրնարին , և 'ի բորբոքմանէ սրտին յարուցեալ կազմեաց զանձն 'ի վաղիւն երթալ 'ի վան՝ բողոքել վասն ամենայնի այսոցիկ առ Ազգային իշխանս , առ առաջնորդն և առ Բաղաքական կառավարութիւնն : Սակայն քաղաքն վանայ կանխաւ արդէն ձայն առեալ եղելոցս՝ 'ի կողմանէ կառավարութեան զօրականք ոմանք եկին հասին յԱղթամար տանել զՊետրոսն և զխաչատուրն միանդամայն 'ի քաղաքն , վասն այսորիկ եկեալ զօրակտնք ընդ Գա-

ւաշու Միւսիւրին նաւ կալեալ մտին 'ի կղզին բերել ըզ-
 խաչատուրն և զորս ընդ իւր արտաքս . բայց խորագէտ
 հնարք խաչատուրին յապաղեցուցին զնոսա զաւուրս եր-
 կուս մնալ 'ի կղզին , և մինչ նոքա անդ էին , և պատուօք
 պատուէին , Պետրոսն՝ որ լուեալ էր զգալ զօրականացն .
 'ի քաղաքն գնալոյ յետս կացեալ՝ մնայր նոցա . և 'ի վեր-
 ջին գիշերին երկուց աւուրցն սպանաւ յանկողնի , յախո-
 ւըն Նեթոյեան Մանուկին 'ի Փշափանց գիւղ , ուր ան-
 կեալն էր :

Եւ եղև այսպէս :

Խաչատուրն 'ի մտանելն 'ի կղզին թողեալ էր արտաքս
 զհաւատարիմ սպասաւորն իւր զԲիւրդ Եիւսիմ , սա ե-
 կեալ 'ի գիշերին 'ի վերայ տանեաց Նեթոյեան Մանուկի
 ախոռին հանդերձ ընկերօք , և յերգեացն հայեցեալ զի-
 ննջէր Պետրոս Պիւլպիւլն և ճրագ 'ի սնարից նորա Վա-
 ուէր , ելից և մտից տեղւոյն զգուշացեալ զարագանս 'ի
 յերգեացն ուղղեալ նշանս կալեալ 'ի կղզս յանկողն գի-
 պեցուցանեն զգնատակն , և ինքեանք խոյս տան 'ի տեղ-
 ւոջէն : Անկաւ շշուկ և շփոթ 'ի գիւղն տարածեցաւ ա-
 րագ արագ համբաւն 'ի շրջակայս , լուան որ 'ի ներքս 'ի
 կղզին էին թէ սպանաւ Պետրոս Պիւլպիւլն , և ընդ ա-
 ուաւօտս վաղվաղակի բաղմութեամբ միարանից և Տան-
 կական խմբիցն ել արտաքս խաչատուրն , և հասեալ ա-
 մենեցուն 'ի Փշափանս , զարդարեալ խաչատուրն կաթո-
 դիկոսական զգեստիւք աթոռս արկեալ 'ի վերայ տան-
 եացն բաղմեցաւ , և շուրջ գիւրեաւ Տանիկք , և առ
 հասարակ բաղմութիւն արանց և կանանց , ծերոց և տը-
 ղայոց լցեալ կային , Հրամայեաց խաչատուրն և բերին



առաջի զդի սպանելոյն մերկէ և կապուտ, ըստ կարծեաց կարծեաց հանէին կարծիս, և դիտէին զտեղիս հարուածոցն, քարչէին յայսկոյս յանկոյս փողոցին, 'ի մէջ աղբւաց ըզդիակն, և անամօթ ոմանք 'ի վարդապետացն գլուխաշարժեալ 'ի վերայ հայհոյէին, նախատէին և թքանէին 'ի նա, ձայնակից սոցա և գործակից լինէին այլազգիք ոմանք յանդր եղելոց : Յայսպիսի անագորոյն անսիլ, հանդիսին զուարճանայր գողցես խաչատուրն և Եպիսկոպոսք իւր և թողոյր այնպէս շարունակել, աչք բազմաց լային երեսք բազմաց ամաչեցեալ շառագունէին, և շատ այն էր զի 'ի խղճէ հարեալ 'ի վերայ այնպիսի նախատանաց զայրանային և մեղս դնէին, սակայն բնաւին անհող մընայր խաչատուրն և իւրքն . մինչև եղբայրն խան Մահմուտին Քիւրդ Տավրիշ Պէյն յանդիմանեաց ասելով . « ո՛վ անաստուած և անամօթ մարդիկ, բաւական է, բարձէք զձեր մեռեալն, և տարայք արկէք կամ 'ի ծով կամ 'ի հող գերեզմանի » : Եւ ապա բարձեալ զմերկ մարմին սպանելոյն տարան 'ի կղզին, եղին 'ի հող տապանի, զորինքն իսկ էր պատրաստեալ 'ի կենդանութեան իւրում . քանզի այս սովորութիւն է կաթողիկոսացն Սղթամարայ պատրաստել վաղադոյն զգերեզմանս . գողցես գիտելով թէ մօտ է ինքեանց մահ յետ կաթողիկոսանալոյն, զի մինն 'ի միւսէն տեսեալ ուսանի զիւրն : Այսպէս հողածածուկ արարին զդիտկն՝ առանց բանի աղօթից և կարգի կատարելոյ :

Երանի՛ թէ այսչափ և եթ լինէր իրացն շարունակութիւն, այլ տակաւին 'ի նորոյ սկսանի բանիլ դուռն մեծ և վտանգ ահագին եղեռանց . կարգ բանին արդէն քարոզէ այնոցիկ՝ որք զբանս գիտեն . թէ խաչատուրն ետ

սպանանել զՊիւլպիւլն . քանզի 'ի կենդանութեան նորա
օծանել . ինքն 'ի ներքս մնալ , զղօրականս առ ինքն
պահել , զիւր հաւատարիմն Քիւրդ իւսիւֆ 'ի դուրս թո-
ղուլ . զսենեակ Պիւլպիւլին և զարկոն կողոպտել , այս
ամենայն յայտնի ասպոցոյցք են : Եւ թէ զիա'րդ կարէր
խաչատուրն ասրիլ և վարել զիւր պաշտօնն՝ եթէ կեն-
դանի մնայր Պիւլպիւլն : Յայտցանէ և այլ այսպիսի բա-
զում պարագայից ակներև ցուցանի թէ ձեռն խաչա-
տուրին թաթաւեալ է արեամբ Հօր իւրոյ Պիւլպիւլին ,
և 'ի գլուխ իւր ընկալեալ ունի ոչ զիւրն սրբութեան ,
այլ հեղումն արեան Պիւլպիւլին :

Սպա անդ 'ի տանիսն Փշավանից բազմի իբրև դա-
տաւոր խաչատուրն հանդերձ իւրայնովքն , և տայ բե-
րել զառաջեալ և կապել զոտս ե զձեռս եօթնեկի ա-
րանց անմեղաց , և 'ի գլուխ որդւոյն եղբօր Պիւլպիւլին՝
չարաչար կտտանս և տանջանս ածեալ , մինն ուսուցանէ ,
և միւսն սաստէ , մինն սպառնայ , և միւսն ինչս խոս-
տանայ , զի յանձն առնուցու եղբօրորդին ասել թէ . « ես
սպանի զՀօր եղբայրն իմ զՊիւլպիւլն » : Իսկ ողորմելին զմի
և նոյն բան աղաղակէր և ասէր . « ես ոչ սպանի . այլ
մանաւանդ թէ զարիւն հօրեղբօր իմոյ խնդրեմ » : Մա-
տամբ ցուցանէր զխաչատուրն և զՅակօբ Եպիսկոփոս խի-
ղանցին : — թէ սոքա են պարտապանք արեան , սոքա
հրամայեցին Քիւրդ սպասաւորաց իւրեանց , որք սպա-
նին զհօրեղբայրն իմ :

Իբրև տեսին թէ չկարեն զխաբէութիւնս իւրեանց
յառաջ տանել , և թէ հետզհետէ խռնի ժողովուրդն 'ի
տեղւոջն և ձայնք բազմանան . յահարկութիւն ամենեցուն
կալեալ , կապեալ առաքեցին 'ի վան քաղաքն զնէթոյ-

եան Մանուկն, զծերունի Տէր Գրիգոր Բահանայն Փշա-
վանից, զՅակոբ Վարդապետն 'ի նոյն գեղջէ, զԽա-
չատուր եղբօրորդին սպանելոյն զՂազար՝ որդին Ռէս-
եղոյի նոյն գեղջ և զԳիւրդ Իսոն՝ Նորեպան ըս-
պանելոյն, և կաղ Խաչիկն, իբր թէ սոքա 'ի նմին
գիշերի առ ընթեր Պիւլպիւլին էին ննջեալ, յորում
սպանաւ նա, վասն որոյ տարան յատեան կառա-
վարութեան, զնացին և քանի եպիսկոպոսունք և վար-
դապետք ընդ նոսա 'ի կողմանէ Խաչատուրին՝ արկանել
զմասան 'ի վերայ եօթանցն, կնքեցին և զդուռն տան
եղբօր Պիւլպիւլին, իբր թէ անդ սպահեալ են ինչք սպա-
նելոյն, մինչև ազդ արասցեն կառավարութեան և ա-
ռաջի նոցա բացցեն զդուռն :

Սրդ հասեալ զնացողացն 'ի վան, մտին յատեան
կառավարութեան, յորում ժամանակի էր կառավարի-
չըն վանայ Սպատուլահ վաչան, որ և ցայժմ վարէ, այր
խմաստուն և արդարատէր, առ որ ժողովեալ նստէին
Ղատին, և առ հասարակ երեւելիք Տաճկաց և Հայոց
անդամք կառավարութեան : — Նայեցեալ Փաշային յե-
րեսս կապելոցն, և տեղեկացեալ 'ի բերանոյ կուսակցա-
ցըն Խաչատուրին թէ « կապեալքս այսօքիք են պատ-
ճառք սարանման Պիւլպիւլին, յատկապէս զեղբօրորդի
Պիւլպիւլին զԽաչատուրն ցուցանէին, վասն որոյ և խո-
հականութեամբ և ամենայն քաղցրութեամբ սկսաւ Փա-
շայն հարցանել նախ զԽաչատուրն զայն :

“ Սա՛ ինձ որդեակ, համարձակութեամբ ասա՛ և
մի՛ երկնչիր, զի մեռեալն մեռաւ, թէ արդարև դո՛ւ
սպաներ, օրէնք զքեզ չ՞դատեն, զի արխն քո էր, ա-
սա՛ միայն զնշմարխոն, զի աղատեսցին այսչափ անմեղք

ի դատաստանէ, և մեք քեզ ոչինչ ունիմք ասել, զայս ասէր փորձելով:

Իսկ խաչատուրն պատասխանի արարեալ ասէ, « Արդ արև զճշմարիտն՝ զոր գիտեմ, ասացից, ոչ ես ճէր իմ և ոչ ոք ՚ի կապելոցս, այլ որք եկեալ են դատապարտել զմեզ. — զայս ասէր և մատամբ ցուցանէր զխօղանցի Յակոբ և զխաղար Եպիսկոպոսունս, սոքա և ընկերք սոցին ետուն սպանել զհօրեղբայրն իմ, և քանզի սոքա են որ այնչափ թշնամանս իդին նմա ՚ի կենդանութեան նորին, սոքա ընդ խաչատուրին միարանեալ օժին զնա կաթողիկոս, մինչ կենդանին էր կաթողիկոսն, սոքա և զմեզ կամին տալ սպանանել, զի մի՛ զոր տեսաքն և գիտեմք վկայեացուք, և արդ զոսս ճեառն իմոյ համբուրեմ, պաշտպան անմեղութեան անձին իմոյ, և կապելոցս ընդ իս, զքեզ աղաչեմ, և զարիւն հօրեղբոր իմոյ շնորհիւ Ձերդ արդարութեան ՚ի նոցանէ պահանջեմ: »

— Գարձաւ փաշայն և ասաց խօղանցւոյն: — Պատասխանատուութիւն մեծ գոյ ՚ի վերայ Ձեր, և ես զի՞նչ ասացից հարցանողացն յինէն, ընդէր առանց հրամանի կաթողիկոս օժէք, և այսպիսի չար հետեւանս ՚ի վերայ ձեր ամէք: Ձի՞նչ ունիս ասել, ասա՛:

— Ասէ խօղանցին: — Օժանել կաթողիկոս է գործ Ազգային և Արօնական, որոյ վերայ ոչ Գուք, այլ ԴԸԼ խաւորք Ազգին մերոյ խօսեացին ընդ մեզ:

— Ասէ փաշայն: — Իրաւունս ունիմ տեղեկանալ վասն ամենայնի, քանզի խնդիր արեան է. յատենի իմում հասեալ կայք, պատմեա ինձ զստո՛յքն և զկատարեալն, քանզի տեսանեմ զի օժումն խաչատուրին եկեղալ է պատճառ և հետեւանք մահուան Պետրոսին:

— Ասէ խիզանցին : — Մեք ատէաք զՊիւլպիւլն , վասն մեղաց և պղծագործութեանց իւրոյ , վասն որոյ օծաք զԽաչատուրն՝ կաթողիկոս որսուրբ է , և թէ ոք կամի զհետ մեր լեկեացէ , և ով ոք կամի զհետ Պիւլպիւլին ընթացէ :

— Ասէ Փաշայն : — Եւ զի՞նչ էին մեզք և պղծագործութիւնք նորին .

Աստանօր խիզանցին բացեալ զբերան իւր առանց ամօթոյ և խղճմտանաց այնպիսի զազիր բասրանս դնէր Պիւլպիւլին , մինչև զղուէին առ հասարակ լսողք Հայք և Տաճիկք . և ասէին նմա թէ լուռ լե՛ր . . . յաւել և զայս ասել թէ հայհոյէր բերանս և զօրէնս Ձեր Մահ մէտականաց :

— Ղատին ասէ : — Եթէ արդարև ճշմարիտ իցեն բանքդ , պարտ էր զեկուցանել կառավարութեանն կամ Մուրախասին կամ մեծամեծաց Ազգիդ :

— խիզանցին ասէ : — Չդէմս վասնդին և չարեաց ոչ կարացաք առնուլ , երկեաք եւս դուցէ վանքն և անձինք մեր յաղագս յանցանաց և բանից հայհոյութեանց նորին կործանեացին :

— Ղատին ասէ : — Լաւ էր եթէ ՚ի կղզին տանէիք , և կամ դեղ մահու նմա տայիք . և կամ քար ՚ի պարանոցէն կախեալ ՚ի ծովն արկանէիք , ասպա օծանէիք ձեզ կաթողիկոս նոր , այլ արդ ես չկարեմ զՁեզ առնել արդար յայսմ բանի :

— Փաշայն ասէ : — Յանցանք մեծ են ձեզ , Եպիսկոպոսք , դուք զՅէրման Տէրութեան իմոյ առ ոտն հարէք . զոր ունէր Պիւլպիւլն , դուք զնա արհամարհեալ ՚ի պաշտօնէն հանէք , և առանց Յէրմանի նորոյ և առանց հո-

րամանի Ազգին ձերոյ կաթողիկոս օժէք , և զարիւն Պիւլ-
պիւլին թափել ետուք յայտնի են բանք՝ եթէ ոչ էր
սպանեալ Պիւլպիւլն , ոչ կարէր իշխանութիւն վարել
Խաչատուրին , ուրեմն ձեռք խաչատուրին են ընդ ըս-
պանողան Պիւլպիւլին :

Զայս ասաց և հրամայեաց որոշեցին վեց անձինս ե-
րևելիս , երեքն 'ի Տաճկաց և երեք 'ի Հայոց , որք են ,
Հագղի էֆէնտին , Խալրթ Պէյ , Մուշայ իւզպաշի , Ա-
խիջան աղայն Ղարասէֆերեան , Մ. վարդան աղայն
կոսպարեան , և ֆանոս աղայն թերձանեան , զսոսա ա-
ռաքեաց 'ի Փշավանց դիւղն ուր սպանեալն էր Պիւլ-
պիւլն , և զկապեալսն և զեկեալսն անտի յետս դարձուց-
եալ , պատուիրեաց ստուգութեամբ , և նրբին քննու-
թիւնս առնել 'ի նորոյ , և ինքն զոր ինչ լուաւ և տեղե-
կացաւ մինչև ցայն վայր փութացաւ գրեաց 'ի Կ. Պօլիս
'ի Բ. Գուռն : — Եւ գնացողքն հասեալ 'ի Փշավանց ,
ատեան կազմեցին քննութեան , անդ բազմեցաւ և Խա-
չատուրն իբրև նախագահ ատենին , քանզի հաճեցոյց
զսիրտ եկելոցն և ընկալաւ պատիւ 'ի նոցանէ , անդ ա-
ռաջի բերեալ դարձեալ զեօթն կապեալս հարցանէին .
շատ ջանայր թիղանցին համողել զեղբօրորդին Պիւլպիւ-
լին զխաչատուրն զի յանձն առնուցու խոստովանել թէ
« ես սպանի զհօրեղբայրն իմ » , ասա՛ ասէր , թէ նա ա-
սաց սպան զիս և զարիւն իմ յԱղթամարցւոցն խնդրեա՛ ,
եթէ զայս ասացես , զանձն քո , և զընկերս քո և զվեզ
ապրեցուսցես , և զվանքն յաւերմանէ զերծուցես , և
մեք լինիմք պաշտպան անձին քո , և տան քո , և քեզ
տամք զամենայն ստացուածս հօրեղբօր քո » : Իսկ նա
յատենի կացեալ զոր ինչ յառաջն ասացեալ էր զնոյն

բան կրկնէր, և զարիւն սպանելոյն յեպիսկոպոսաց խընդ-
րէր: Ապա հրամայեցին վէզս չորս քումէչոց դնել 'ի
ճակատ ողորմելի խաչատրին և մաղեայ բարակ լարանով
պրկել և ալորել, զի խոստովանեացի թէ « ես սպանի
դՊիւլպիւլն »: Ճարճատեցան ոսկերք գլխոյն ողորմելոյն
և այտույեալ 'ի ցաւոցն խոստութենէ աչկունք և ե-
րեսք նորա, սկսաւ արիւն և արտասուք խուռն հոսել
յականց, աղեկատուր լինէին տեսողքն, և կողկողէին առ
հասարակ սիրտ ամենեցուն, իսկ նոքա ստիպէին թէ ա-
սա՛ ես սպանի և աղափս յամենայնէ: Եղբորդին
Խաչատուր դարձեալ զնոյն բան ասաց, և հրամայեցին
կրկին պրկել զլարանն, մինչև 'ի կսկծմանէ դառնագին
ցաւոցն այսպէս ասաց « ես զնոյն դիտէի որպէս և ասէի,
բայց որովհետև չկարեմ այլ եւս տոկալ տանջանացն,
ասեմ զձեր բան, թէ այո՛, ես սպանի զհօրեղբայրն իմ »:

Յայս բան ցնծացան ամենեքեան, հրամայեաց Խա-
չատուրն զի զկնքեալ դուռն տանն եղբոր Պիւլպիւլին
բացցեն, և զոր ինչ գացեն արտաքս հանցեն. դիմեցին
առ հասարակ 'ի ներքս, բայց եղբորորդին սպանեալ
Պիւլպիւլին չարչարեալն Խաչատուր, բողոքէր և ասէր,
'ի ներքս 'ի կղզին են ինչք և գանձք հօրեղբօրն իմոյ,
արձակեցէք զիս և ես երթեալ հանից դայն և տաց 'ի
ձեռս ձեր: Ոչ ոք անսայ ձայնի նորա: Ապա ասաց,
թողէք զիս, զի զժառանգութիւնն հօր իմոյ 'ի տանէ
իմմէ հանեալ տաց ձեզ, և մի թողուք աւար հարկանել
զտուն իմ: Ոչ ոք անսաց բանին նորա: Այլ առաւել ևս
սաստիպացուցեալ զտանջանսն չարչարէին, տեսեալ մօր
Խաչատրին զտաղնապ որդւոյն, զնաց և եքեր առաջի
նոցա գումարս 80,000 զուրուշի, թող զրազում սպրանս:

զայն գումար դրամոց բաժին արարեալ բաշխեաց խա-
չատուրն 'ի վերայ քննչացն եկելոց 'ի ֆաղաքէն, որք
կալեալ միւսանդամ զեօթն կապեալսն առեալ դարձան
'ի ֆաղաքն և եղին 'ի բանտի կառավարութեան, յորս
էին նախայիշեալ Փշավանցի Չակսբ վարդապետ և Տէր
Գրիգոր ծերունի քահանայն: Չայս ամենայն եղելու-
թիւնս և զտանջանս՝ զորս տուեալ էին եղբօրորդի խա-
չատուրին, Ղարասէֆերեան Ախիշան Աղայն ինքնին բե-
րանացի պատմեաց 'ի ֆաղաքին, նոյնպէս պատմէին և
այլքն: Եւ այժմ եթէ 'ի նորոյ քննեսցի բանս, պարտս
խղճի եղեալ 'ի վերայ նոցա՝ ունին թերեւս վկայել ամե-
նայնի: Ներկայացուցեալ առաջի Փաշային զբանս քըն-
նութեանն ոչ միայն զկապեալսն կասկածելի համարե-
ցան, այլ առաւել ֆիւրդ սպասաւորն խաչատրոյ իւ-
սիւֆ և զընկերն նորին ֆիւրդ Շահին:

Իսկ խաչատուրն և խիզանցին, Սարգիս Եպիսկոպոսն
և լուսարար Յովսէփ Եպիսկոպոսն, 'ի միասին գնացին 'ի
կղզին, և առեալ ընդ իւրեանս զնաւավարն Աղթամարայ
Աբրահամ՝ մտին 'ի տաճարն 'ի խորան Միւռոնին, ուր
եղեալ պահէին զմին յարկեղաց Պետրոս Պիւլպիւլին, յո-
րում էր գումար 366,000 դրշին, բացեալ զտակ արկեղն,
և զարժաթ դրամս 24,000 դրշ. տուեալ 'ի պահ լուսա-
րար Յովսէփ Եպիսկոպոսին, զմնացեալսն ամենայն դեղին
ոսկիս առեալ ընդ իւրեանս խաչատուրն և խիզանցին ի-
ջին 'ի քաղաքն վան, հաղորդել նոքօք զայնոսիկ, որք
ձեռնտու լեալ էին ինքեանց, և որք նպաստաւոր և
պաշտպան լինելոց էին յապայ աւուրս . . . : խաչատուրն
'ի վանայ քարբիցայս և արճիճս զնեալ ծանրութեամբ
ոսկւոյն՝ զոր հանեն յարկեղէն, առաքեաց 'ի կղզին, և

ի ձեռն նաւավար Աբրահամին լցեալ զայն յարկն ոսկւոյն , ետ բնեռել :

Յանցանել ինչ աւուրց , փաշայն վանայ առաքեաց խնդրեաց ՚ի Միւտիւրէն Գաւաշու զՔիւրդ Շահին և ըզՔիւրդ Իւսիւֆն՝ սպասաւորս խաչատուրին զսպանողսն Պիւլպիւլին , և նորա կալեալ առաքեաց առ փաշայն , զի քննեսցին . հասեալ նոցա ՚ի վան հրամանս խնդրեցին և գնացին նախ յԱռաջնորդարանն Հայոց առ տէրն իւրեանց խաչատուր , անդ կացին ՚ի գիշերի , և պահապանք՝ որք բերին զնոսա գնացեալ յայլ տեղի ննջեցին զգիշերն : Եւ ընդ առաւօտն հրամայեաց փաշան բերել զԻւսիւֆ և զՇահին յԱռաջնորդարանէն իբրև եկին ոչ զորք գտին անդ , և հարցեալ լուան թէ ՚ի գիշերի փախուցեալ են , փախեան և ինքեանք պահապանքն ՚ի վանայ , և մինչև ցայսօր ժամանակի ոչ ոք խնդրեաց , թէ ո՞ւր են Իւսիւֆըն և Շահին : Իսկ ՚ի Փշավանիցն կապելոց և բանտարկելոցն ծերունի Տէր Գրիգորն երկուցեալ խոթացաւ և արձակեալ ՚ի բանտէն հասեալ ՚ի տուն՝ վախճանեցաւ : Մեռաւ և Ղաղար որդի աէս Եղոյին ՚ի բանտին : Արձակեցին և զՅակոբ վարդապետն : Իսկ մնացելոցն վասն մի ոմն յազգասիրաց աղերս գրեալ ՚ի Պատրիարքարանն ՚ի Պոլիս , և ազդարարութեամբ Պատրիարքին ազատեցան և նոքա ՚ի բանտէն : Այսպէս ոչ միայն Պետրոս Պիւլպիւլըն , այլ և Տէր Գրիգորն և Ղազարն ևս եղեն զոհ հնարից խաչատրին և խաչատուրեանց , թող զեղբորորդին Պիւլպիւլին զխաչատուրն , որ յետ այնչափ շարշարանս և բանտս կրելոյ արձակեալ մեռաւ , զորմէ ասեն ոմանք թէ մահուամբ , և ոմանք թէ հրացանաւ հարեալ զրաւեցաւ , այլ զսորա ճշմարիտն չ՚գիտեմ ես :

Իսկ ապա զգալն Յարութիւնն Եպիսկոպոսին Կարնոյ և
ընդ Իգնատիոս Եպիսկոպոսին վանայ նորոգ և ո՞րպէս
քննութիւնս առնել, և թէ զի՞նչ յետ այնորիկ՝ չկամիմ
գրել, որպէս և ոչ զամենայն հանգամանսն մանրամասն
գրեցի, քանզի խիստ երկար և ցաւալի և տաղտկալի
թուէին: Այլ զայս և եթ փութամ ասել, զի յետ այսմ
ամենայնի խաչատուրն փառաց ի փառս պատուի յիշխանաց
վանեցւոց որպէս և յիգնատիոս Եպիսկոպոսէն, և այսօր
ընդ Կաթողիկոսութիւնն Աղթամարայ վարէ և զա-
ռաջնորդութիւնն վանայ: Թէ քանի՞ վարդապետս ձեռ-
նադրեաց և քանի՞ քահանայս ետ ձեռնադրել ա-
նարժանս, լցոյց զթէմս անկարդութեամբ, և զեկեղեցիս
առ հասարկ արտասուօք և ամօթով. յառաջացան ա-
մենայն անձինք չարագործք, և բարիք բարձան ՚ի մի-
ջոյ, քանի պաւառք - գիւղք Հայոց յայսմ խռովութեան
երեսաց տրորեալ ՚ի բարբարոս Քրդաց փախեան ՚ի բնա-
կութեանց իւրեանց, և Շեխն Հիզանու այժմ տիրէ և
վարէ զՀայս և զեկեղեցիս որ ՚ի նոսա, զբազումս ՚ի հա-
ւատոց հանելով: Աւերմունք և խանգարմունք տիրեցին
բազմաց վանօրէից, յորոց կարգի և մեծափառ ուխտն Նա-
րեկայ անչքացաւ անկեալ ՚ի ձեռս յափշտակողաց և ա-
նարժանից: Յանցելումն ամի եկեալ խաչատուրն յԱղ-
թամար, զվիճակայինսն կեղեքեաց և եբեր ՚ի քաղաքն,
և առաքեաց զթիզանցի Յակոբ Եպիսկոպոսն ՚ի Կ. Պօլիս
վասն քառութեան և հաստատութեան ինքեան. և ոչ
գիտեմք թէ զիա՞րդ հաւանեցաւ վարչութիւնն Կ. Պօլ-
սոյ տալ տեղապահութիւն Աղթամարայ՝ թիզանցւոյն.
որ գլխաւոր առ ի՞ծ և գործիքն է այն ամէն եղեռնագոր-
ծութեանց, զոր և հաստատեաց յատուկ կոնդակ Պօղոս
Սրբազան Պատրիարքին: մեծացուցեալ զիշխանութիւնն

ՀՀ Ազգային գրադարան



NL0257041

